



FUNDARGERÐ SVEITARSTJÓRNAR

Miðvikudaginn 11. maí 2016 var fundur haldinn í sveitarstjórn Skagastrandar kl 8.00 á skrifstofu sveitarfélagsins.

Á fundinn voru mætt: Adolf H. Berndsen, Halldór G. Ólafsson, Róbert Kristjánsson, Steindór R. Haraldsson, Inga Rós Sævarsdóttir, og Magnús B. Jónsson.

Adolf H. Berndsen, oddviti setti fundinn og stjórnaði honum.

1. Ársreikningur 2015 (seinni umræða)

a. Endurskoðunarskýrsla

Fyrir fundinum lá endurskoðunarskýrsla Davíðs Búa Halldórssonar, endurskoðanda sveitarfélagsins. Auk samantektar á helstu niðurstöðum ársreiknings er í skýrslunni fjallað um reikningshaldslegt mat, notkun reikningsskilaaðferða og niðurstöður yfirferðar á innra eftirliti.

Endurskoðunarbréfið var til kynningar.

b. Skýrsla skoðunarmanna

Fyrir fundinum lá einnig skýrsla skoðunarmanna þar sem þeir gera grein fyrir athugun sinni á bókhaldi sveitarfélagsins.

Skýrslan var til kynningar.

c. Ársreikningur sveitarsjóðs og stofnana 2015 (seinni umræða):

Fyrir fundinum lá ársreikningur sveitarsjóðs og stofnana sem var til fyrri umfjöllunar 19. apríl 2016. Í ársreikningi kemur fram að rekstrartekjur samstæðunnar voru 576,6 m.kr. en voru 525,5 m.kr. árið 2014 og hafa hækkað um 9,7% milli ára.

Rekstrarniðurstaða var jákvæð á árinu um 33,5 m.kr. í samanburði við 18,8 m.kr. neikvæða afkomu árið 2014. Rekstrargjöld samstæðu námu 561,1 m.kr. en voru 560,2 m.kr. 2014. Tap var af rekstri A hluta fyrir afskriftir, fjármunatekjur og fjármagnsgjöld að fjárhæð 8,9 m.kr. en rekstrarniðurstaðan jákvæð um 2,9 m.kr. Rekstrarniðurstaða samstæðunnar er 11,7 m.kr. betri en fjárhagsáætlun með viðaukum gerði ráð fyrir en áætluð rekstrarafkoma ársins var jákvæð um 21,9 m.kr.

Eigið fé samstæðu sveitarfélagsins í árslok 2015 nam 1.224,0 m.kr. samkvæmt efnahagsreikningi, eiginfjárlutfall samstæðu var 73,2% í lok árs 2015 en var 72,9% árið 2014. Langtímaskuldir sveitarfélagsins námu 263,3 m.kr. og tilheyra þær eingöngu Félagslegum íbúðum. Veltufjárlutfall samstæðunnar nam 13,06 en var 12,37 í árslok 2014.

Samkvæmt yfirliti um sjóðstreymi var veltufé frá rekstri samstæðunnar 70,9 m.kr. og handbært fé frá rekstri nam 79,2 m.kr. Engin ný lán voru tekin á árinu. Handbært fé samstæðunnar nam 490,7 m.kr. í árslok auk 142,4 m.kr. skammtímaverðbréfaeignar en



handbært fé var 439,9 m. kr. í árslok 2014 og þá nam skammtímaverðbréfaeign 158,0 m.kr.

Sveitarstjórn ræddi ársreikninginn og samþykkti hann og áritaði að lokinni umræðu.

2. Staða og horfur í rekstri jan.- apríl 2016

Fyrir fundinum lá útkeyrsla úr bókhaldi fyrir tímabilið janúar til apríl. Annarsvegar var um að ræða samanburð á þróun tekna á tímabilinu, áföllnum rekstrarkostnaði og fjárhagsáætlun og yfirlit um launakostnað eftir deildum og mánuðum.

Sveitarstjóri fór yfir helstu þætti rekstrar og skýrði þau frávik sem koma fram í samanburðinum.

3. Gjaldskrá – fjallskilagjöld

Fyrir fundinum lá tillaga að gjaldskrá fjallskila í sveitarfélaginu. Meðfylgjandi tillögunni var yfirlit um álagningu fjallskilagjalda og fjölda eininga til fjallskila frá árinu 1998 til 2015. Sveitarstjórn ræddi fyrirbyggjandi gögn og tillögugerð.

Svohljóðandi tillaga að gjaldskrá fjallskilagjalda var samþykkt:

Sveitarstjórn ákveður árlega við samþykkt gjaldskrár sveitarfélagsins hvaða einingaverð skuli gilda um fjallskilakostnað fyrir yfirstandandi ár. Fyrir árið 2016 er einingaverð 400 kr.

4. Umsögn um rekstrarleyfi

Sýslumaðurinn á Norðurlandi vestra óskar eftir umsögn um rekstrarleyfi til sölu gistingar í flokki II fyrir gistiheimilið Undir sólinni, Bogabraut 16. Umsækjandi er Herdís Þ. Jakobsdóttir, kt. 220171-4349.

Meðfylgjandi umsókninni voru ýmsar upplýsingar um skammtímaleigu húsnæðis og um veitingu leyfa fyrir gististaði. Sveitarstjórn ræddi málið og fór yfir verkefni og hlutverk hvers umsagnaraðila sem fá umsóknir um skammtímagistingu til umfjöllunar.

Með vísan til laga nr. 85/2007 veitir sveitarstjórn jákvæða umsögn en vísar því til umsagnar skipulags- og byggingarfulltrúa að taka afstöðu til málsins á skipulagslegum forsendum.

5. Lokaskýrsla starfshóps um umhverfismál

Starfshópurinn sem stendur að skýrslunni hefur starfað á vegum Sambands íslenskra sveitarfélaga frá september 2015 við stefnumótun sambandsins í úrgangsmálum.

Skýrslan var til kynningar og ekki gerðar ályktanir vegna hennar.

6. Bréf:

- a. Sambands íslenskra sveitarfélaga, dags. 2. maí 2016

Í bréfinu er fjallað um vinnu við landsáætlun um uppbyggingu innviða ferðamála og greining á uppbyggingarþörf. Með bréfinu er óskað eftir að hvert sveitarfélag tilnefni tengilið sem taki að sér að safna upplýsingum fyrir áætlanagerðina.

Samþykkt að fela sveitarstjóra að vera tengiliður í verkefninu.

- a. Tölvubréf Sambands ísl. sveitarfélaga, dags. 19. apríl 2016

Með bréfinu er kynnt viljayfirlýsing um utankjörfundaratkvæðagreiðslu milli Sambands íslenskra sveitarfélaga og Sýslumannafélags Íslands vegna forsetakosninga 2016. Í bréfinu



kemur fram að þau sveitarfélög sem hafi áhuga geti óskað eftir að sýslumaður skipi ákveðinn starfsmann viðkomandi sveitafélags sem kjörstjóra.

Sveitarstjórn ræddi erindið og taldi ekki þörf á breyttu fyrirkomulagi þar sem utankjörfundaratkvæðagreiðsla sé í góðum höndum sýslumanns og þeirra sem hann skipar til þeirra verka.

b. Hreyfiviku UMFÍ, dags. í apríl 2016

Með bréfinu er boðað til Hreyfiviku UMFÍ dagana 23.-29. maí nk.

Erindinu vísað til Umf. Fram.

c. Ámundakinnar, 26. apríl 2016

Með bréfinu er boðað til aðalfundar Ámundakinnar ehf. fimmtudaginn 12. maí 2016

Bréfið var til kynningar.

7. Fundargerðir:

a) Stjórnar SSNV, 5.04.2016

Fundargerðin var til kynningar.

b) Heilbrigðisnefndar Norðurlands vestra, 28.04.2016

Svohljóðandi bókun var samþykkt: Sveitarstjórn tekur undir bókun í lið 3 í fundargerðinni og leggur þunga áherslu á að hlutverk og verkefni heilbrigðisnefnda verði ekki skert á nokkurn hátt og að heilbrigðiseftirlit sveitarfélaga verði eftir sem áður sjálfstæðar stjórnsýslustofnanir heima í héraði með skýr og óskert þvingunarúrræði. Fundargerðin var að öðru leyti til kynningar.

c) Stjórnar Hafnarsambands Íslands, 29.04.2016

Fundargerðin var til kynningar.

d) Stjórnar Sambands íslenskra sveitarfélaga, 29.04.2016

Fundagerðin var til kynningar.

b) Önnur mál

Á fundinum voru lögð fram fundarboð vegna:

a) Aðalfundar og vorfundar Farskólans – miðstöðvar símenntunar á Norðurlandi vestra, 11. maí 2016 kl 13:30 í húsakynnum Farskólans á Sauðárkróki.

b) Aðalfundar Norðurár bs. 18. maí 2016, kl 15.00 í Miðgarði.

Fleira ekki tekið fyrir fundi slitið kl 10.20

Adolf H. Berndsen,

Halldór G. Ólafsson,

Róbert Kristjánsson

Steindór R. Haraldsson

Inga Rós Sævarsdóttir

Magnús B. Jónsson